



UNIVERSITÄTS-
BIBLIOTHEK
PADERBORN

Universitätsbibliothek Paderborn

Archi-||dioeceseos || Colonien-||sis Descriptio || Historica

Henriquez a Strevesdorff, Martinus

Coloniæ Agrippinæ, 1652

Ordo Civitatvm. Magistratus.

urn:nbn:de:hbz:466:1-12065



ORDO CIVITATVM.
MAGISTRATUS.

GRande Magistratus etymon nomenq; Magister
Præbet, & ille velut Princeps Curator habetur
Inspectorq; suas qui res quascunq; tuetur:
Iamq; potestatem quâ se respublica fulcit,
Et jam Personam notat hæc, quæ celsa ministræ
Iura Potestatis sublimior ordine prisco;
Inde Magistratus majorque minorque putatur
Ex alioque alius dependet, ut ampla Potestas
Fæt magis atque minus. Præstantia Iudicis, atque
Iudicij ipsius Maiestas (omne sub uno
Complecti lubuit) certis monstratur ab ipso
Numine Portentis signis ac legibus, illas
Namque DEUS primum tulit, has exercuit Author
Primus, ab humana post conditione statuque,
Congressuque simul, fuit ipsas esse necessum:
Idque gerendarum per se communio rerum,
Exortæ lites, causarumque ardua moles
Ac quasi plenus ager tribulis, corruptio Iuris
Ne fieret, dudum voluere; quod imbibit olim

Quintilianæa.

Quintilianus ait sic namque antiquitus Author,
 Ecce, Magistratus legesque capefcimus illas,
 Ne vindex fit quisque sui, ratione viaque
 Iustitia rectâ. Monet hinc, persuadet, & urget
 Iustinianus, * ut ad munus tam nobile, dici
 Quale Magistratus debet, de jure creentur
 Praclari talesque Viri, castissima quorum
 Vita, animus recti studiosus & integra mens est
 Incorrupta fides simulandi nescia, pravo
 Libera ab affectu, privatis libera curis.

Quaritur hinc an sit consultius, esse perennem,
 Anne Magistratum certo sub limine, certis
 Temporibus circumscriptum, magis utile? quondam
 Iura Magistratus Romanorum annua stabant,
 Ad tempus Dictator erat, Consulque regebat
 Ad tempus: summum meruit Traianus honorem,
 Plinius hoc memorat, quod Consiliarius olli
 Perpetuus fuerit, fuerit quoque Scriba perennie
 In Democratia, concludimus ergo, statuto
 Esse Magistratum succinctum tempore, summâ
 Vtilitate bono, subiectorumque Salute;
 Perpetuum sortitur Aristocratia munus,
 Quando Monarcha regit, nisi Res- & publica quee vis
 Commoda deposcant aliud. dixisse sat esto
 Illa Magistratus de nomine pauca, placebit
 Nunc recto calami specialia tangere cursu.

*l. 6 C. 10.

